

ATODLEN 3

DARPARIAETHAU TROSIANNOL, ATODOL AC ARBED

RHAN 3

TROSGLWYDDO SWYDDOGAETHAU ETC

Amrywiadau mewn contractau cyflogaeth

- 6 (1) Mae'r paragraff hwn yn gymwys pan fo amrywiad honedig yng nghontract cyflogaeth—
- cyflogai i'r Archwilydd Cyffredinol;
 - cyflogai i SAC y trosglwyddwyd ei gyflogaeth o dan baragraff 5.
- (2) Mae'r amrywiad yn ddi-rym os yr unig neu'r prif reswm dros amrywio'r contract yw—
- y trosglwyddiad a grybwyllir ym mharagraff 5(1), neu
 - rheswm sy'n gysylltiedig â'r trosglwyddiad nad yw'n rheswm economaidd, technegol neu sefydliadol sy'n peri newidiadau yn y gweithlu.
- (3) Nid oes dim yn y paragraff hwn sy'n rhwystro amrywiad os yr unig neu'r prif reswm dros yr amrywiad yw—
- rheswm sy'n gysylltiedig â'r trosglwyddiad sy'n rheswm economaidd, technegol neu sefydliadol sy'n peri newidiadau yn y gweithlu, neu
 - rheswm nad yw'n gysylltiedig â'r trosglwyddiad.